


FUNDACION DI "SEARCH & RESCUE"



Na Wings Over Aruba a tuma lugar ayera un reunion cu e psicologo Tony Green pa asina nan haya mas informacion encuanto un eventual formacion di un Fundacion dedica specialmente den buskeda y rescate. Nan lo mester bay forma esaki, y despues inscribi na Notario pa asina cuminsa cu e organizacion di "Search & Rescue" aki. Pa su formacion financiero, e Fundacion aki lo por bay ricibi yudanza tambe di varios gremio y organizacionnan na Aruba, pa asina garantiza cu constantemente Aruba tin un equipo prepara pa lanza cualkier operacion di rescate, sea riba laman, riba tera, of den aire. Tabata presente na e reunion Tony Green, Dion Schraff, Luc Winkler, y Eduardo Mansur. Aruba seguramente falta un organizacion asina, y e hecho cu lo bay incorpora esaki den un Fundacion lo bay pone funciona mas independiente, pa asina sigura cu constantemente nan por drenta den accion pa asina duna rescate, sea na Arubanonan of stranheronan. Ta di spera cu pronto e Fundacion aki worde cristaliza na Notario Croes.